

«O'zagrolizing» AJ Кузатув кенгаши
мажлисининг 2026 йил 19 майдаги
357-сонли баённомаси қарори билан

ТАСДИҚЛАНГАН

М.Ў.



**«O'zagrolizing» AJ раҳбар ва ходимлари томонидан хизмат сафарлари,
халқаро ва бошқа расмий тадбирлар муносабати билан олиниши
мумкин бўлган совға қиймати, шунингдек уни тасарруф этиш тартиби
тўғрисидаги НИЗОМ**

Мазкур Низом Ўзбекистон Республикасининг «Давлат фуқаролик хизмати тўғрисида»ги Қонунининг 18-моддаси ва Ўзбекистон Республикаси Коррупцияга қарши курашиш агентлиги директорининг 2023 йил 11 мартдаги 54-сон буйруғи (Ўзбекистон Республикаси Адлия вазирлиги томонидан 2023 йил 13 мартда рўйхатдан ўтказилган, рўйхат рақами 3425-сонли)нинг иловаси асосида тасдиқланган «Давлат фуқаролик хизматчиси томонидан хизмат сафарлари, халқаро ва бошқа расмий тадбирлар муносабати билан олиниши мумкин бўлган совға қиймати, шунингдек уни тасарруф этиш тартиби тўғрисидаги низом» талаблари асосида ишлаб чиқилган бўлиб «O'zagrolizing» AJ раҳбар ва ходимлари томонидан хизмат сафарлари, халқаро ва бошқа расмий тадбирлар муносабати билан олиниши мумкин бўлган совға қиймати, шунингдек уни тасарруф этиш тартибини белгилайди.

1-боб. Умумий қоидалар

1. «O'zagrolizing» AJ раҳбар ва ходимлари Ўзбекистон Республикаси ҳудудидан ташқарида амалга ошириладиган хизмат сафарлари, халқаро ва бошқа расмий тадбирлар, шунингдек Ўзбекистон Республикаси ҳудудида ўтказиладиган халқаро ва бошқа расмий тадбирлар (бундан буён матнда халқаро ва бошқа расмий тадбирлар деб юритилади) муносабати билан совға олиши мумкин.

Ўзбекистон Республикаси ҳудудида ўтказиладиган халқаро ва бошқа расмий тадбирлар билан боғлиқ бўлмаган хизмат сафарлари муносабати билан «O'zagrolizing» AJ раҳбар ва ходимларининг совға олиши тақиқланади.

2. Мазкур Низомда қуйидаги асосий тушунчалардан фойдаланилади:

«O'zagrolizing» акциядорлик жамияти (бундан кейинги матнда «O'zagrolizing» AJ деб юритилади) — Давлат фуқаролик хизмати татбиқ қилинадиган ва устав фондида 90 фоиздан ортиқ миқдордаги акциялари давлатга тегишли бўлган тижорат ташкилоти ;

совға — «O'zagrolizing» AJ раҳбар ва ходимларига халқаро ва бошқа расмий тадбирлар муносабати билан жисмоний ва юридик шахслар томонидан бепул тақдим этилган, моддий қимматга эга бўлган мол-мулк ёки бегараз кўрсатилган хизмат;

халқаро тадбирлар — «O'zagrolizing» AJ номидан, унинг расмий вакиллари ҳамда хорижий мамлакатлар ва халқаро ташкилотлар вакиллари иштирокида ўзаро ҳамкорлик муносабатларини ўрнатиш, алоқаларни ривожлантириш, тажриба алмашиш, кредит (қарз) маблағларини жалб этиш, қўшма бизнес лойиҳаларини амалга ошириш мақсадида ташкил этиладиган ва ўтказиладиган тадбирлар, шу жумладан, жамият расмий вакиллари иштирок этадиган Ўзбекистон Республикаси делегациясининг хорижий мамлакатга, хорижий мамлакат делегациясининг Ўзбекистон Республикасига ташрифи билан боғлиқ тадбирлар;

расмий тадбирлар — «O'zagrolizing» AJга юклатилган вазифа ва функциялардан келиб чиқиб, «O'zagrolizing» AJ номидан, унинг расмий вакиллари иштирокида ташкил этиладиган, муайян мақсадларга эришишга қаратилган тадбирлар (расмий қабул, маросим, учрашув, анжуман, семинар, брифинг, симпозиум, тақдимот, давра суҳбати ва бошқа тадбирлар);

хизмат сафари — «O'zagrolizing» AJ Бошқарув раисининг буйруғига (қарори, фармойишига) асосан «O'zagrolizing» AJ раҳбар ва ходимлари ўзининг доимий иш жойидан бошқа жойга (Ўзбекистон Республикаси ҳудудида ёки унинг ҳудудидан ташқари) хизмат вазифасини ва топшириғини бажариш учун муайян муддатга юборилиши;

совға берувчи — халқаро ва бошқа расмий тадбирлар муносабати билан «O'zagrolizing» AJ раҳбар ва ходимларига совға тақдим этувчи жисмоний ёки юридик шахс вакили;

Совғалар реестри — «O'zagrolizing» AJ раҳбар ва ходимлари томонидан халқаро ва бошқа расмий тадбирлар муносабати билан қабул қилинган совғалар тўғрисидаги маълумотлар рўйхати;

меҳмондўстлик белгиси — халқаро ва бошқа расмий тадбирлар муносабати билан икки томонлама алоқаларни мустаҳкамлаш ва этикет қоидаларига мувофиқ нонуштага, кофе-брейкка, тушликка, кечки овқатга ва оммавий-маданий ва концерт-томоша тадбирларига тақлиф қилиш.

3. Мазкур Низом талабларига риоя этиш «O'zagrolizing» AJнинг Ўзбекистон Республикаси ҳудудидан ташқарида амалга ошириладиган хизмат сафарлари, халқаро ва бошқа расмий тадбирлар, шунингдек Ўзбекистон

Республикаси ҳудудида ўтказиладиган халқаро ва бошқа расмий тадбирларда совға олган барча раҳбар ва ходимлари учун мажбурийдир.

4. «O'zagrolizing» AJ раҳбар ва ходимлари томонидан ўзларининг хизмат ваколатларини жисмоний ва юридик шахслар манфаатларини кўзлаб бажариш ёки бажармаслик эвазига улардан ҳар қандай совғалар олиш тақиқланади.

Бундан, «O'zagrolizing» AJ раҳбар ва ходимлари томонидан алоҳида хизматлари учун «O'zagrolizing» AJ раҳбариятининг тегишли Бошқарув қарори (ёки буйруғи) асосида олинган совғалар, шунингдек мусобақалар ва танловларда эришган ютуқлари, давлат байрамлари, нишонладиган саналар ҳамда бошқа расмий тадбирлар муносабати билан мукофотлаш натижасида олинган совғалар мустасно.

5. «O'zagrolizing» AJ раҳбар ва ходимлари халқаро ва бошқа расмий тадбирлар муносабати билан ўзи ёки бошқа шахслар учун совға тақдим этилишини сўрашига ёки талаб қилишига йўл қўйилмайди.

6. «O'zagrolizing» AJ раҳбар ва ходимларининг халқаро ва бошқа расмий тадбирлар муносабати билан унинг оила аъзоларига тақдим этилган совға «O'zagrolizing» AJ раҳбар ва ходимларига берилган совға деб ҳисобланади.

7. «O'zagrolizing» AJ Бошқарув раисининг буйруғига (қарорига, фармойишига) асосан:

совғанинг қийматини аниқлаш ва уни сақлаш, Совғалар реестрини юритиш «O'zagrolizing» AJнинг Хўжалик таъминоти бўлими томонидан;

совғани давлат органининг балансига кирим қилиш «O'zagrolizing» AJнинг Бухгалтерия ҳисоби ва ҳисоботи бўлими томонидан;

совғалар билан боғлиқ масалаларни назорат қилиш ва мувофиқлаштириш «O'zagrolizing» AJнинг Комплаенс хизмати томонидан амалга оширилади.

2-боб. Халқаро ва бошқа расмий тадбирлар муносабати билан тақдим этилган совғани қабул қилиш талаблари

8. «O'zagrolizing» AJ раҳбар ва ходимлари томонидан халқаро ва бошқа расмий тадбирлар муносабати билан олиниши мумкин бўлган совға куйидаги талабларга жавоб бериши лозим:

Ўзбекистон Республикаси қонунчилик ҳужжатлари, «O'zagrolizing» АЈнинг ички идоравий ҳужжатлари ҳамда ушбу Низом талабларига мувофиқ бўлиши;

совға уни берувчи томонидан аниқ бир халқаро ва бошқа расмий тадбирлар муносабати билан ихтиёрий тақдим этилган бўлиши;

«O'zagrolizing» АЈ раҳбар ва ходимлари томонидан очик ва ошқора қабул қилиниши;

«O'zagrolizing» АЈнинг обрўсига (нуфузи, имиджига) путур етказмаслиги;

манфаатлар тўқнашуви ёки коррупциявий хавф-хатарларнинг келиб чиқишига сабаб бўлмаслиги, хусусан «O'zagrolizing» АЈ раҳбар ва ходимларининг хизмат фаолиятида ҳолис қарор қабул қилишига таъсир кўрсатадиган мажбуриятни юзага келтирмаслиги.

9. «O'zagrolizing» АЈ раҳбар ва ходимлари совғани қабул қилиш жараёнида совға берувчидан совғанинг қийматини тасдиқловчи ҳужжатларни (совғанинг қийматини тасдиқловчи савдо чекини ёки савдо қвитанциясини ёхуд бошқа ҳужжатларни) сўраб олиши мумкин.

10. «O'zagrolizing» АЈ раҳбар ва ходимларига тақдим этилган тез яроқсиз ҳолга келувчи маҳсулотлар (табиий гулдаста, доналик ширинликлар, 100 граммгача оғрикдаги пачкали курук чой), шунингдек канцелярия тўпламлари (тақвим, буклет, пластмассали ручка, кундалик ва блокнот) совға сифатида расмийлаштирилмайди ҳамда ушбу совғалар «O'zagrolizing» АЈ раҳбар ва ходимлари томонидан ўз хоҳишига кўра тасарруф этилади.

11. «O'zagrolizing» АЈ раҳбар ва ходимлари унга халқаро ва бошқа расмий тадбирлар муносабати билан меҳмондўстлик белгиси сифатида билдирилган таклифни қабул қилиши мумкин.

Бунда, «O'zagrolizing» АЈ раҳбар ва ходимлари меҳмондўстлик белгиси сифатида билдирилган таклифнинг беғаразлигига шубҳа сезган тақдирда, ушбу таклифни дарҳол рад этиши ва алоқа воситалари орқали бу ҳақда жамиятнинг Комплаенс хизматини огоҳлантириши шарт.

3-боб. Халқаро ва бошқа расмий тадбирлар муносабати билан тақдим этилган совғанинг қиймати ва уни тасарруф этиш

12. «O'zagrolizing» АЈ раҳбар ва ходимлари халқаро ва бошқа расмий тадбирлар муносабати билан унга тақдим этилган совғани ушбу тадбирлардан қайтиб келган кундан бошлаб уч иш куни ичида Хўжалик таъминоти бўлимига

совганинг қийматини тасдиқловчи тегишли ҳужжатлар (совганинг қийматини тасдиқловчи савдо чеки ёки савдо квитанцияси ёхуд бошқа ҳужжатлар) мавжуд бўлса, ушбу ҳужжатлар билан бирга тақдим этади, бундан мазкур Низомнинг 10-бандида назарда тутилган совғалар мустасно.

13. «O'zagrolizing» AJ раҳбар ва ходимлари томонидан совғани Хўжалик таъминоти бўлимига топширилиши тўғрисидаги топшириш ва қабул қилиш далолатномаси (бундан буён матнда - далолатнома деб юритилади) расмийлаштирилгунга қадар совганинг бутлиги ва сақланиши учун жавобгарлик «O'zagrolizing» AJ раҳбар ва ходимлари зиммасида бўлади.

14. «O'zagrolizing» AJ раҳбар ва ходимлари томонидан Хўжалик таъминоти бўлимига топширилган ҳар қандай совға бўйича далолатнома ушбу Бўлим томонидан икки нусхада тузилади. Бунда, Хўжалик таъминоти бўлими томонидан ушбу далолатноманинг биринчи нусхаси мазкур Низомнинг иловасига мувофиқ шаклдаги Совғалар реестрида совғани рўйхатга олган ҳолда «O'zagrolizing» AJ раҳбар ва ходимларига қайтарилади, иккинчи нусхаси ушбу Бўлимда сақланади.

15. «O'zagrolizing» AJ раҳбар ва ходимларида совганинг қийматини тасдиқловчи ҳужжат мавжуд бўлмаса, Хўжалик таъминоти бўлими томонидан совганинг қиймати аниқланади.

Бунда, Хўжалик таъминоти бўлими томонидан совганинг бозор нархи савдо дўконлари, интернет ҳамда бошқа манбалар ва усуллар орқали ўрганилиб, унинг ўртача қиймати аниқланади ва унинг натижаси бўйича баённома расмийлаштирилади.

16. Совганинг қиймати Ўзбекистон Республикасида белгиланган базавий ҳисоблаш миқдорининг 4 (тўрт) бараварига тенг ёки ундан кўп бўлмаган миқдорда эканлиги аниқланган тақдирда, совға «O'zagrolizing» AJ раҳбар ва ходимларида қолдирилади ва у томонидан ўз ихтиёрига кўра тасарруф этилади.

Бунда, Хўжалик таъминоти бўлими томонидан совганинг «O'zagrolizing» AJ раҳбар ва ходимларига топширилганлиги бўйича далолатнома расмийлаштирилади.

Совганинг қиймати базавий ҳисоблаш миқдорининг 4 (тўрт) бараваридан ортиқлиги аниқланган тақдирда, совға Бухгалтерия ҳисоби ва ҳисоботи бўлими томонидан «O'zagrolizing» AJнинг балансига кириш қилинади.

17. «O'zagrolizing» AJнинг балансига ўтказилган совғадан мазкур жамиятнинг эҳтиёжи учун фойдаланишга рухсат этилади.

18. «O'zagrolizing» AJ раҳбар ва ходимлари халқаро ва бошқа расмий тадбирлар муносабати билан ўзига тақдим этилган совғаларни қабул қилишнинг қонунийлиги тўғрисида ҳар қандай шубҳа пайдо бўлганда, шу заҳоти ушбу масала бўйича бевосита ўзининг юқори турувчи раҳбариятини ёки Комплаенс хизматини хабардор қилиши шарт.

Совғанинг қийматини тасдиқловчи ҳужжатларнинг ишончилиги ва ҳақиқийлиги бўйича шубҳалар мавжуд бўлган тақдирда тақдим этилган ҳужжатларнинг ишончилиги ва ҳақиқийлиги жамиятнинг Комплаенс хизмати томонидан текширилиши мумкин.

19. «O'zagrolizing» AJ раҳбар ва ходимларига халқаро ва бошқа расмий тадбирлар муносабати билан уларнинг оила аъзолари учун деб тақдим этилган совға(лар) мазкур бобга мувофиқ тасарруф этилади.

4-боб. Яқуний қоида

20. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавобгар бўлади.

Комплаенс хизмати бўлими

 **Д.Шаропов**

**«O'zagrolizing» AJ раҳбар ва ходимлари томонидан хизмат сафарлари,
халқаро ва бошқа расмий тадбирлар муносабати билан олинши
мумкин бўлган совға қиймати, шунингдек уни тасарруф этиш тартиби
тўғрисидаги низомга ИЛОВА**

**«Ўзагролизинг» акциядорлик жамиятининг
хизмат сафарлари, халқаро ва бошқа расмий тадбирлар муносабати билан
«O'zagrolizing» AJ раҳбар ва ходимлари томонидан қабул қилинган совғалар
бўйича
РЕЕСТРИ**

Т/ Р	«Ўзагро - лизинг» АЖ раҳбар ва ходим- лари томонида ан совға қабул қилин- ган сана	Совға ни қабул қил- ган ходим- нинг Ф.И.О ва лаво- зими	Совғ а- нинг тав- сифи	Совғанинг берилиш сабаби/мунос абати	Совға берувчинин г маълумот- лари*	Совға- нинг қиймат и**	Совға- нинг тасарруф этилиши ***	Совғани топширган ходимнинг имзоси ва сана	Масъул ходим- нинг имзоси ва сана
1	2	3	4	5	6	7	8	9	10
1.									
2.									
...									

Изоҳ:

* хорижий мамлакат ва ташкилотнинг номи, совға берувчининг Ф.И.О ва лавозими;

** совғанинг қийматини тасдиқловчи савдо чеки ёки савдо квитанцияси ёхуд бошқа хужжатлар мавжуд бўлса, шу асосида, агар мавжуд бўлмаса, совғанинг қийматини аниқлаш асосида тўлдирилади;

*** совғанинг «O'zagrolizing» AJ раҳбар ва ходимлари тасарруфига ўтказилганлиги ёки давлат органига топширилганлиги тўғрисидаги маълумотлар ёзилади.